



АЙМАГ, СУМЫН ИРГЭДИЙН ТӨЛӨӨЛӨГЧДИЙН ХУРЛЫН СОНГУУЛЬД ОРОЛЦОХ БИЕ ДААН НЭР ДЭВШИГЧ НАРЫН АНХААРАЛД

Аймаг, нийслэл сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д “Нам, эвсэл болон бие даан нэр дэвшигчийн сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэх болон санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын тухай хуульд заасан төсвийн тусгай шаардлагад нийцэж байгаа эсэх...”-ийг Төрийн аудитын байгууллага хянаж, дүгнэлт гаргахаар заасан.

Энэхүү зохицуулалтын дагуу сонгуульд оролцох нам, эвслийн мөрийн хөтөлбөрийг 2020 оны 06 сарын 25-ны өдрийн дотор хүлээн авч, аудитыг гүйцэтгэж байна.

Харин бие даан нэр дэвшигч нар мөрийн хөтөлбөрөө **2020 оны 07 сарын 24-ны өдрөөс өмнө** Өмнөговь аймгийн Төрийн аудитын газар ирүүлэх ёстой.

Төрийн аудитын байгууллагын үүрэг

1. Бид аудитыг Төрийн аудитын тухай хууль, Монгол Улсын Их Хурлын сонгуулийн тухай хуулийн хүрээнд MNS 6817 : 2020 - Төрийн аудитын стандартын дагуу гүйцэтгэх ба дараах чиг үүргийг хэрэгжүүлнэ. Үүнд:

1.1. Сонгуулийн мөрийн хөтөлбөрт орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль болон мөн хуулийн 37 дугаар зүйлийн 37.3-т заасан мөрийн хөтөлбөрт тусгахыг хориглосон заалт байгаа эсэхийг хянах;

1.2. Сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэхийг хянах;

1.3. Сонгуулийн мөрийн хөтөлбөрийн санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын хуульд заасан төсвийн тусгай шаардлагад нийцэж байгаа эсэх талаар хянах;

1.4. Тодруулах зүйлсийг тухай бүр мэдэгдэх бөгөөд аудитын явцад удирдлагаас нэмэлт мэдээлэл, тайлбар авах;

1.5. Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.9-д заасны дагуу сонгуулийн мөрийн хөтөлбөр нь хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргах болон дээрхтэй холбоотой бусад чиг үүрэг хамаарна.

Нэр дэвшигчээс ирүүлсэн сонгуулийн мөрийн хөтөлбөр нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуульд нийцэж байгаа эсэх дүгнэлтийг хуулийн хугацаанд тухайн шатны сонгуулийн хороонд хүргүүлнэ.

Бие даан нэр дэвшигчийн үүрэг

2. Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн дагуу бие даан нэр дэвшигч дараах үүрэг хариуцлагыг хүлээж байна. Үүнд:



2.1. Бие даан нэр дэвшигч нь мөрийн хөтөлбөртөө дүгнэлт гаргуулахаар 07 дугаар сарын 24-ны өдрөөс өмнө төрийн аудитын орон нутаг дахь салбар байгууллагад хүргүүлсэн байхыг */Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37.6/;*

2.2. Бие даан нэр дэвшигч нь сонгуульд оролцох хүсэлтийг санал авах өдрөөс 60-аас доошгүй хоногийн өмнө илэрхийлэхдээ дээрх дүгнэлтийг гаргуулсан байх */Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 31 дүгээр зүйл, мөн зүйлийн 31.3.9/;*

Бие даан нэр дэвшигчийн сонгуулийн мөрийн хөтөлбөр болон түүнд дүгнэлт гаргахад шаардагдах мэдээлэл */энэхүү захидлын нэг ба хоёрдугаар хавсралт маягтыг бөглөн/* мөн мөрийн хөтөлбөрийн 4 эх хувийг¹ хэвлэмэл байдлаар, хувийг CD -нд буулган дугтуйнд хийж битүүмжлэлтэйгээр **Өмнөговь аймгийн Нутгийн удирдлагын ордны 305 тоот/** -т ажлын цагаар хүлээлгэн өгнө. Дугтуйн дээр бие даан нэр дэвшигчийн нэр, хаана нэр дэвшиж байгааг гаргацтайгаар бичсэн байна.

Аудит гүйцэтгэх хугацаанд сонгуульд оролцох бие даан нэр дэвшигч дөрвөн жилийн хугацаанд хэрэгжих мөрийн хөтөлбөрийг шаардлагатай баримт, материалын хамт ирүүлэх, аудитын зорилгоор хүссэн нэмэлт тайлбар, мэдээллийг бичгээр баталгаажуулж өгөх, аудитын нотолгоог олж авах нөхцөл, боломжоор хангаж ажиллана уу.

Аудитыг хуулиар тогтоосон хугацаанд гүйцэтгэхэд харилцан хүлээсэн үүргээ хэрэгжүүлж хамтран ажиллана гэдэгт итгэж байна.

Хавсралт 2 хуудастай.

ӨМНӨГОВЬ АЙМАГ ДАХЬ ТӨРИЙН АУДИТЫН ГАЗАР

¹ Мөрийн хөтөлбөрт дүгнэлт гаргасан тайланг эх хувиар 4 газар хэрэглэнэ. 1% -ийг ТАБ-д, 1% -ийг СХ-нд, 2% -ийг нам эвсэл, бие даан нэр дэвшигчид баталгаажуулан хүргүүлнэ.



Монгол Улсын Ерөнхий аудит
 2020 оны 156 дугаар тушаалаар батлагдсан
 аргачлалын нэгдүгээр хэсрэлт (маягт А)
 Аймаг, нийслэл дэх төрийн аудитын газрын 2020
 оны ... дугаар сарын ...-ний өдрийн ... дугаар
 албан бичгийн нэгдүгээр хэсрэлт

**Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан
 Дүгнэлт гаргахтай холбогдуулан улс төрийн нам, эвслээс мөрийн хөтөлбөрийн хэвсрэлтээр ирүүлэх мэдээлэл**

№	Нам эвслийн сонгуулийн мөрийн хөтөлбөрт тусгагдсан зорилт, арга хэмжээ	Шаардагдах санхүүгийн эх үүсвэрийн тооцооллыг хийхдээ төсвийн төсөөллийг баримталсан эсэх (тийм, үгүй)	Төсвийн тогтвортой байдлын тухай хуулийн аль заалтад хамаарч буй	УИХ-ын 2020 оны 52 дугаар тогтоолоор баталсан "Алсын хараа-2050" -н аль заалтад хамаарч буй, мөн аймаг, нийслэлийг хөгжүүлэх зорилтын (холбогдох заалтыг бичих)	Тайлбар
1		2	3	4	5

ЖИЛ:

- 2 дугаар баганад шаардлагатай санхүүгийн эх үүсвэрийг тооцоолохдоо төсвийн төсөөллийг баримталсан эсэх (2019 оны 11 дүгээр сарын 13-ны өдрийн Монгол улсын нэгдсэн төсвийн 2020 оны төсвийн хүрээний мэдэгдэл, 2021-2022 оны төсвийн төсөөллийн тухай хууль)
- 4 дүгээр баганад Монгол улсын тогтвортой хөгжлийн үзэл баримтлалын аль заалтыг үндэслэл болгосныг тодорхой бичнэ.

Мэдээллийг бэлтгэсэн _____ -ыг төлөөлж
 Нам/эвслийн/нэр _____ -ыг төлөөлж
 (тэмдэг) _____ гарын үсэг
 албан тушаал овог нэр _____
 (тэмдэг) _____ гарын үсэг
 албан тушаал овог нэр _____
 2020 оны ... сарын ... өдөр

